

GERNIKA-LUMO

Munduko biosfera erreserbak ezagutuko dabez herriko gazteek

Mundu zabalean biosferearen erreserbatan bizi diran gazteek alkar ezagutzeko aukera izango dabe, Unescok martxan jarri dauen programari esker. Danetara, 368 Biosfera Erreserba dagoz gaur egun. Horreotariko bat da Urdaibaikoa.

Programeari esker, Urdai-baiko gazteen edo herriko alkarleen eta sareko beste edozein herritakoen arteko hartu-emonak sendotu ahal izango dira. Esperientziak trukatu ezeze, ingurumenaren aldeko egitasmoak be egingo dabez gazteek.

Urdaibaiko 18 eta 25 urteko gazte guztiek izango dabe parte hartzeko aukerea. Horixe, eta beste erreserbak ezagutzeko interesa izatea dira bete beharreko baldintzak. Gerora begira, Unescoko foroetan parte hartzeko aukerea be emongo jake.

ELORRIO

Euskerearen erabilera gora egin dauan arren, erdarea da nagusi

Elorriori jente gehienak euskerea dakian arren (%69), gixik erabilten dabe: %35,3 baino ez. Etxean, gaztelania erabilten da gehien (%48). Horixe dino, behintzat, Barriketan alkatetaren egindako kale neurketeak. Halanda be, erabilera 5 puntu egin dau gora, 1997ko datuak alderatu ezker. Euskal Herrian erabilera tasea %13 zan, urte hartan.

Barriketako kideak pozik dagoz, igoera garrantzitsua dalako: «Gazte eta helduen artean etena dago eta, horregaitik, euskerearen transmisioan hutsune handia dagoalakoan gagoz. Ez dira euskerearen funtzio danak beteten. Askotan jotzen da gaztelaniara». Horixe dino Segun Lazkanok, Barriketako kideak. Arlo horretan eragin gura dabe.

KULTUREA. Bilbo 700

Izan ziran errepubliketan oinarritu dabe uriburuaren «pentsakerea»

Deustua, Begoña eta Abando, uriburuan izan ziran hiru «errepubliken» ganeko ikus-entzunezkoak ekoiztu ditue, Bilbao 700 Fundazioarentzat. Horreen bitartez Bilboren arimea, gorputza eta bizimodua erakutsi gura izan ditue. *Gure Ibilgia Gazez* izena emon deustie ikuskizunari. Hamabost minutuko hiru multimedia dokumentu dira, eta aurkeztu, *Tigre* erai-kinean (*Deustuko Errepublika*), Plaza Barrian (*Begoñako Errepubli-*

Udan eskainiko dabe *Gure Ibilgia Gazez* ikuskizuna

ko ditue pantaila erraldoietan, 22:30etatik aurrera, udako gauetan. Atzo aurkeztu zituen dokumentalak, Arriaga Antzokian egindako prentsaurrekoan.

kea) eta Uribitarte kaian dagoan Aznar eraikinean (*Abandoko Errepublika*) aurkeztuko ditue. Mariona Omedesek, Frank Aleuk eta Lourdes Mostolesek zuzendu dituen ikus-entzunezko bakotxaren hiru emonaldi eskaini-

BERTSOLARITZEA. Atzo jokatu ziran Bizkaiko bertsolari gazteen txapelak



Bizkaiko txapeldun gazte barriak

Bizkaiko Umeen eta Gaztetxoaren Bertsolari Txapelketaren finalak jokatu ziran, atzo, Bilboko Carmen aretoan. Hiru mailatan banatuta egin eben bertsotan gazteek: hamalau urte artekoetan, hamabost eta hamasei urtekoetan eta hamazortzi urte artekoetan. Maila bakotzeko txapeldunak ondokoak izan ziran: Jon

Agirre, gazteenetan, Iker Gangoiti, erdiko mailan, eta Oihana Bartra, nagusienetan. Batez be erdiko maila horretan jardun eben bertsolariek emon eben mailarik altuena atzoko finalari jagokonez, Bizkaiko Ikastolen Alkartetik *Bizkaia*-ri adierazo eutsienez. Hurrengo hitzordua Euskal Herriko finala da.